

**Bosna i Hercegovina  
Federacija Bosne i Hercegovine  
Zeničko-dobojski kanton  
GRAD ZENICA**

**Služba za boračko-invalidsku i socijalnu zaštitu, stambene poslove i društvene djelatnosti**

Broj:

Zenica, 15.04.2021.godine

**STRUČNA SLUŽBA GRADSKOG VIJEĆA**

**PREDMET: Stav Službe**

Izvještaj o radu JU „Dom - porodica“ Zenica za 2020.godinu  
- dostavlja se

U ime osnivača Služba za boračko-invalidsku i socijalnu zaštitu, stambene poslove i društvene djelatnosti, razmotrila je Izvještaj o radu JU „Dom - porodica“ Zenica za 2020.godinu, shodno Statutu Grada i Odluke o osnivanju i ovlaštenjima iz Zakona o ustanovama, te zadržavanju prava osnivača. Uz Izvještaj o radu razmotren je i rad Upravnog odbora, rad direktora, te Plan poslovanja/aktivnosti za 2021. godinu. Nakon analize i ocjene dokumenata, Služba konstatuje:

- JU „Dom – porodica“ Zenica postoji i funkcioniра kao ustanova socijalne zaštite od posebnog društvenog značaja čija je djelatnost zbrinjavanje djece bez roditeljskog staranja od 0 do 18 godine. Ustanova je i u 2020.godini obavljajući poslove iz djelatnosti za koju je osnovana u okviru zakonskih normi ostvarila javnu funkciju i opravdala status od posebnog značaja za Grad.
- Na osnovu Pravilnika o organizaciji i sistematizaciji poslova i radnih zadataka Ustanove 61 zaposlenik raspoređen je na izvršavanju poslova Ustanove, a u okviru dvije organizacione jedinice. Prema kvalifikacionoj strukturi zaposlenih najviše je VSS radnika a potom NK radnika.
- Objekti Ustanove obuhvataju površinu od 6.000 m<sup>2</sup> radno - stambenog prostora.
- Ustanova se finansira od osnovne djelatnosti (zbrinjavanje djece bez roditeljskog staranja), i u tom smislu Ze-do kanton po osnovu Ugovora finansira smještaj djece bez roditeljskog staranja dok se učešće Grada ogleda u finansiranju djelatnosti Ustanove.
- Prema izvještaju nezavisnog revizora Ustanova je poslovala sa dobitkom od 131,00 KM (prihodi 1.749.243,00 i rashod 1.749.112,00 KM).
- Upravni odbor je razmatrao i usvojio Izvještaj o radu i finansijskom poslovanju Javne ustanove „Dom-porodica“ Zenica za 2020. godinu, Izvještaj nezavisnog revizora o izvršenoj Reviziji finansijskih izvještaja za 2020. godinu.
- Rad direktorice UO smatra veoma dobrims obzirom da su uposlenici bili motivisani za izvršavanje poslova i zadataka te da su štićenici imali optimalne uslove za razvoj, obrazovanje, zdravstvenu i socijalnu zaštitu. Osim toga navedeno je da se posebno ističe njeno zalaganje za izradu projekata prema EU fondovima, ali i domaćim firmama, nevladinim i vladinim organizacijam, te lokalnim udruženjima.
- Ciljevi i zadaci iz programa rada za 2020. godinu su planirani na realnim osnovama te su isti i ostvareni, no ostvarivanje istih je uveliko bilo otežano u uslovima

pandemije.

- U realizaciji odgojno-obrazovnog rada ostvarena je saradnja sa svim institucionalnim nivoima vlasti, asocijacijama, nevladinim organizacijama te školama.
- Programski ciljevi podrazumijevaju i aktivnosti predviđene Akcionim planom transformacije JU Dom porodica za period 2020-2024
- Planom transformacije uređeni su odnosi organizacija i institucija u provođenju aktivnosti i finansiranja Prihvatne stanice za djecu i Prihvatilišta za majku i dijete, te samostalno stanovanje uz podršku.
- Prihvatna stanica za djecu ima za cilj pružanje sistemske i organizirane zaštite i brige o djeci i mladima koji zbog nesređenih porodičnih prilika borave ili rade na ulici. Tokom 2020. godine u prihvatnu stanicu bilo je smješteno 9 djece, od toga 4 djevojčica i 5 dječaka.
- Prihvatilište za majku i dijete ima za cilj pružanje adekvatne zaštite i brige trudnicama i majkama sa djecom bez osiguranog stanovanja i/ili sredstava za izdržavanje ili usred nesređenih porodičnih prilika. Tokom 2020. godine u prihvatilištu su smještene tri majke sa bebama.
- Stanovanje u zajednici uz podršku egzistira od 2016. godine, kao pilot projekat nevladinih organizacija, podrazumijeva osamostaljivanje mladih ljudi i pripremu za socijalizaciju nakon napuštanja Ustanove. U 2018. godini su dvije stambene jedinice za mlade otvorene u sklopu Ustanove, i u njima trenutno borave punoljetne mlade osobe koje se pripremaju za samostalan život (tri mladića i tri djevojke).
- Tokom 2020. godine u Ustanovu je primljeno 19 djece, prosječan broj štićenika po mjesecima je 81. Broj novoprimljenih štićenika je smanjen zbog pandemije, a i procedure prijema djece su bile u skladu sa uslovima pandemije.
- Odgojno – obrazovni rad sa djecom se provodi kroz individualne i zajedničke metode, gdje je slobodno vrijeme maksimalno upotunjeno raznim korisnim aktivnostima. Posebnu ulogu u ovom procesu imaju socijalni radnici i organ starateljstva.
- Rad sa djecom sa invaliditetom i poteškoćama u razvoju podrazumijeva izradu stimulativnih programa prilagođenih karakteristikama djece. Djeca sa poteškoćama u razvoju uključena su u svakodnevne aktivnosti kroz inkluzivne procese u cilju adekvatne socijalizacije.
- Kroz saradnju sa brojnim domaćim i inostranim insititucijama, organizacijama vladinog i nevladinog sektora, nastoji se organizovati kvalitetno provođenje vremena djece.
- Svake godine se za štićenike organizuju razni događaji ali i učestvuje u raznim obrazovnim, edukativnim, omladinskim, sportskim, kulturnim, vjerskim sadržajima.
- Osigurana je i zdravstvena zaštita za štićenike, prostorni kapaciteti istih zadovoljavaju standarde.
- Za svako dijete Ustanove je osim uspjeha u školi, odgoja i zdravlja, vrlo bitan kontakt djece sa bližim i daljim srodnicima, odnosno da oni koji imaju srodnike ostvarju s njima stalne kontakte čime se stvara čvršća veza, koja nakon izlaska iz Ustanove može biti od koristi za dijete.
- Projekti Gradska narodna kuhinja i Pekara imaju funkciju korištenja svih resursa Ustanove za ostvarivanje dodatnih prihoda.
- Zbog uslova pandemije COVID 19 ova Ustanova je imala organizovan plan aktivnosti u navedenim uslovima te u saradnji sa HES-om JU Dom zdravlja provodila aktivnosti na zaštiti kako djece tako i uposlenika Ustanove.

Saradnja Službe sa menadžmentom Ustanove je izuzetno dobra u smislu pristupačnosti, zajedničkih projekata, međusobne komunikacije te realizacije osnivačkih obaveza, nastavljena je dobra saradnja sa upravnim odborom Ustanove.

Cijeneći sve navedeno a s obzirom na prezentirane pokazatelje o radu, rukovođenju, upravljanju i nadzoru nad radom Ustanove, Služba za boračko - invalidsku i socijalnu zaštitu, stambene poslove i društvene djelatnosti predlaže Gradskom vijeću da usvoji Izvještaj o radu JU „Dom-porodica“ Zenica za 2020. godinu.

**PRILOZI:**

1. Izvještaj o radu JU „Dom-porodica Zenica“ za 2020.godinu
2. Izvještaj nezavisnog revizora o izvršenoj reviziji finansijskih izvještaja JU „Dom-porodica“ Zenica za poslovnu 2020. godinu.
3. Finansijski plan JU Dom porodica za 2021.godinu
4. Odluka Upravnog odbora o usvajanju izvještaja o radu i finansijskom poslovanju broj: 01-467/21 od 29.03.2021.godine
5. Odluka Upravnog odbora o usvajanju izvještaja o izvršenoj reviziji finansijskih izvještaja broj:01-469/21 od 29.03.2021.g.
6. Odluka Upravnog odbora o usvajanju Finansijskog plana JU Dom porodica za 2021.godinu broj:01-468/21 od 29.03.2021.g.

**DOSTAVLJENO:**

1 x Naslov  
2 x a/a

